

一日早起逍遙於門忽鄰居老婦向屠手招似有事告屠乃過去入其庭闐無人焉但見旁舍母豨產畜呷呷喁喁正欲呼老婦而問所招何事并告以畜產之情頓時頭眩目冒仆跌於地覺魂入於小豕之腹欲言不克思此乃殺生害命之報轉世爲豕從何解救因想世俗咸傳念經可以消災於是默念雷經四十九回即黑雲轟天雷電交加霹靂一聲擊斃小豕而魂轉於身老婦驚而出視曰豨已產矣鄰居何睡於階也呼之不應老婦曰頃被轟雷擊死乎胡爲不擊死於其家而擊死於予庭焉亟喊鄰左邀其室人至號咷大哭屠乃徐起若睡醒狀詢其故訴諸前由老婦曰吾未招子之來也無不駭異此嘉慶四年事閱今已二十春秋適有自廉州而

來者述其事知屠白髮蒼蒼猶存於世於此可徵天道之昭
昭矣其初之手招者非老婦即母屍其魂之轉胎爲豕者痺
其屠豕之惡也屠默理經而感動伏雷者彰其從善之心也
茲延壽於耄耄者取其洗心革面而能痛改革其非也孔子
云過則勿憚改真大聖之格言歟

慵訥居士
思間錄

城隍娶妻

嘉慶初年合浦縣宰李某翰林出身有幼女纔十二歲秀雅
靈慧恒自尋趣於花木陰深之處一日忽不見命僮僕奴隸
四路尋索三日杳無踪跡第四日有詣城隍廟燒香者見神
龕右手旁卒旗裏一物揭而視之乃一幼女推之不動撫首
尚溫問之不答不知誰家子女衆皆喧嚷爲奇守廟者知縣

有失女事報之官遣丁僕往看認是小姐官親詣廟攜抱而歸灌以薑湯始甦問何爲而然答曰吾在後園閒遊見一婦人以時菓招我隨之而去帶至敞廈危樓朱欄碧檻伴我逍遙且時時有食啖我問何物答以麵食皆有言未畢嘔吐而出皆泥土人遂發熱面赤神昏舉室皇皇李縣之妻詣廟行香求神庇祐是夜更深忽報城隍爺拜會李某整其衣冠出堂迎接儀仗服飾如陽官狀彼此行禮各通欸曲茶至請飲似啜而茶仍盈碗心異之思陰陽相隔何意公然晉接莫非命限已窮城隍曰使君正欲有爲於世無起末念吾正室已返陽界令媛與余有夙緣當爲繼室無人可以作伐特來自爲媒妁面訂吉期三日後即迎娶矣今同蒞一方又班居半

子將來地方疑事自易雪也即辭去果至三日幼女無疾而
亡其妻悲哭倍至李某奇其事與妻商之曰女死亦由數定
傷悼徒然曷不竟作嫁妝塑一神像同供后殿將來遇有疑
難案或可望爲指點其妻然之遂動工作擇日鼓樂喧街彩
輿耀目衣奩妝具無不齊備逕送至廟升座開光珠翠明璫
宛然如生舉國以爲美談齊民演戲數日爲賀後李某在任
有神明之稱蓋由此焉同上

泗水

合浦人善泗水每呼泗水曰游
於水下徒手得魚百不一失

南州異物志

善漁者不事網罟泗

擣管

海田塍畔多產管秋際農人刈之鬻於市城東婦女多購之織以爲席爲手套將織時先置管於階石上每在黃昏月上或清曉時擣之杵聲四起碎人清夢無異搗衣清砧也

孿生

城內東門口街小販某之妻懷孕一年忽於某夜腹疼產下一女翌日復產二女其形兩背相依共爲一臀聚觀之人門限爲穿詫爲異聞產者訝其不祥好事者視爲奇貨釀資數百金購往各處招人觀覽藉以取利云

按合體孿生我國恒認爲妖異勞史官筆記諸國乘約畧考之如漢中平中雒陽劉倉妻生男兩頭共身晉建興初新蔡縣吏任喬妻產二女腹與心相合自胸以上

臍以下各分齊天保中臨障婦人產男一身而二首唐
儀鳳中涇州獻小兒連心異體咸通中晉陽毛家有嬰
兒兩頭四手聯足宋瀋熙十年番滿南鄉產子肘各有
三髻及長門則六髻並連此外散見近人筆記中者亦
甚夥如鉢池黃鈞宰金壺七異載邳州人負一小兒兩
手共頸胸腹不分四髻兩足面相向林紆鐵笛亭鎖記
載橋南有異童兩頭共身面目爲一駢立腹上有肉相
聯臍眼即在此橫肉下數年前曾閱報載有斐律賓孿
生兄弟亦是合體一名羅雪亨一名爪蝶那曾在華盛
頓大學游學美人爭奇之僉欲一廣眼界兩人則規定
每兒須徵費若干即恃以爲學費未幾畢業回國至今

猶存又有皮屯達孿生姊妹各具一體而後臀及肩成
駢合之勢可見合體聯生本屬常事無所謂咎徵也

珠璣
經錄

ISBN 978-7-5363-7257-3



9 787536 372573 >

定價：80.00 元